

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 4 APRIL 2016, PUKUL 10.00 PAGI

Bil. 17

PERTANYAAN-PERTANYAAN BAGI JAWAB LISAN

1. PR-1341-L73338
Dato' Othman bin Aziz [Jerlun] minta **MENTERI KEMAJUAN LUAR BANDAR DAN WILAYAH** menyatakan perancangan untuk mengekalkan dasar pendidikan MARA dalam menghadapi kekangan ekonomi semasa.
2. PR-1341-L71870
Dato' Johari bin Abdul [Sungai Petani] minta **MENTERI KEWANGAN** menyatakan apakah langkah-langkah berani yang sedang dan akan dilaksanakan oleh Kerajaan bagi membetulkan keadaan nilai matawang Ringgit yang masih merudum di pasaran dunia.
3. PR-1341-L72822
Datuk Raime bin Unggi [Tenom] minta **MENTERI PERDAGANGAN ANTARABANGSA DAN INDUSTRI** menyatakan sasaran Perbadanan Pembangunan Perdagangan Luar Malaysia (MATRADE) jumlah syarikat milik usahawan muda Bumiputera yang menembusi pasaran eksport setiap tahun, terutama menerusi program Generasi Pengeksport Baharu (GenEX).
4. PR-1341-L73234
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan apakah Kerajaan bersedia untuk memanfaatkan fungsi Lembaga Penapisan Filem memastikan filem yang ditayangkan kepada umum menepati syariat Islam.
5. PR-1341-L73620
Tuan Haji Ahmad Lai bin Bujang [Sibuti] minta **PERDANA MENTERI** menyatakan adakah Kerajaan bercadang mewujudkan aplikasi pendaftaran e-Kasih dalam bentuk Mobile Apps (Android & IOS) bagi menggalakkan pendaftaran e-Kasih lebih mudah.

6. PR-1341-L73411
Tuan Haji Khalid bin Abdul Samad [Shah Alam] minta **MENTERI PERDAGANGAN ANTARABANGSA DAN INDUSTRI** menyatakan :-
 - (a) senarai syarikat dari Negara China yang telah melabur di Malaysia dan nilainya semenjak 2009 hingga sekarang; dan
 - (b) nyatakan prestasi pelaburan tersebut
7. PR-1341-L72516
Datuk Haji Shabudin bin Yahaya [Tasek Gelugor] minta **MENTERI KESIHATAN** menyatakan apakah tindakan Kementerian dalam menangani tuntutan palsu oleh pihak yang tidak bertanggungjawab dalam pengiktirafan atau penganugerahan sebarang kelayakan perubatan tradisional dan kontemporari (PT&K).
8. PR-1341-L72156
Tuan Idris bin Haji Ahmad [Bukit Gantang] minta **MENTERI PELANCONGAN DAN KEBUDAYAAN** menyatakan apakah perancangan Kementerian untuk memperbaiki infrastruktur di kawasan bersejarah di sekitar Kuala Sepetang yang boleh menarik pelancongan ke kawasan tersebut sekali gus meningkatkan hasil negara dan ekonomi setempat.
9. PR-1341-L73065
Dato' Haji Mohd Fasih bin Haji Mohd Fakeh [Sabak Bernam] minta **MENTERI KEMAJUAN LUAR BANDAR DAN WILAYAH** menyatakan bilangan, jenis dan lokasi rumah di bawah projek perumahan Rumah Bina Negara (Rumah BN) yang akan dibina bagi membolehkan belia luar bandar memiliki kediaman sendiri.
10. PR-1341-L72403
Tuan Liew Chin Tong [Kluang] minta **PERDANA MENTERI** menyatakan senarai warganegara berumur 21 tahun ke atas dari Sarawak yang belum mendaftar sebagai pengundi, pengundi Sarawak yang bermastautin di Semenanjung Malaysia dan pengundi Semenanjung Malaysia yang bermastautin di Sarawak.
11. PR-1341-L73430
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan jumlah wang yang dihantar ke luar negeri (*remittances*) oleh pekerja asing pada tahun 2013, 2014 dan 2015, dan apakah usaha untuk mengurangkan pengaliran keluar tersebut.
12. PR-1341-L73286
Tuan Gooi Hsiao-Leung [Alor Setar] minta **MENTERI KESIHATAN** menyatakan sama ada terdapat kekurangan pakar perubatan dan katil hospital di Kedah, khususnya, Hospital Sultanah Bahiyah, Alor Setar, dan sekiranya ya, apakah langkah-langkah yang telah diambil untuk mengatasi kekurangan / kekosongan tersebut.

13. PR-1341-L71783
Datuk Haji Datu Nasrun bin Datu Mansur [Silam] minta **MENTERI SUMBER MANUSIA** menyatakan melalui Pelan Induk Latihan dan Pembangunan pekerjaan Malaysia 2008-2020, Malaysia mensasarkan 50% pekerja mahir daripada keseluruhan jumlah pekerja menjelang 2020. Apakah inisiatif Kementerian agar jumlah pengangguran dapat dikurangkan dan bersaing dengan negara TPPA.
14. PR-1341-L72889
Tuan Sim Chee Keong [Bukit Mertajam] minta **MENTERI SUMBER MANUSIA** menyatakan statistik terkini tentang pekerja pasca-persaraan dari sektor awam dan swasta, mengikut kategori umur, gender, negeri, kaum, tahap pengajian, jenis industri dan juga maklumat gaji.
15. PR-1341-L71961
Dr. Mansor bin Abd Rahman [Sik] minta **MENTERI PERUSAHAAN PERLADANGAN DAN KOMODITI** menyatakan apakah kesan yang bakal dihadapi oleh sektor perladangan dan komoditi terutamanya getah, hasil dari TPPA serta usaha-usaha yang diambil untuk menstabilkan harga getah.
16. PR-1341-L72108
Tuan Zairil Khir Johari [Bukit Bendera] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kerajaan bercadang untuk meningkatkan Usia Minimum Tanggungjawab Jenayah (*Minimum Age of Criminal Responsibility*) daripada 10 tahun sekarang, memandangkan Konvensyen PBB mengenai Hak Kanak-kanak (CRC) mengesyorkan sekurang-kurangnya 14 tahun.
17. PR-1341-L72997
Puan Rubiah binti Haji Wang [Kota Samarahan] minta **MENTERI SUMBER MANUSIA** menyatakan adakah negara mengalami masalah kekurangan tenaga kerja, jumlah serta sektor tenaga kerja yang diperlukan.
18. PR-1341-L73107
Tuan Mohamed Hanipa bin Maidin [Sepang] minta **PERDANA MENTERI** menyatakan :-
 - (a) sehingga 15 Febuari 2016, berapa ramaikah jumlah penderma yang menderma kepada Yayasan Pembangunan Ekonomi Islam Malaysia (YaPEIM) melalui Skim Potongan Gaji Bulanan telah membatalkan atau menarik balik dari skim tersebut; dan
 - (b) berapakah jumlah pengurangan dana dari skim tersebut sehingga 15 Februari 2016 kesan daripada pembatalan atau penarik balik penderma-penderma itu.
19. PR-1341-L72852
Ir. Shaharuddin bin Ismail [Kangar] minta **MENTERI KOMUNIKASI DAN MULTIMEDIA** menyatakan apakah status pemasangan jalur lebar berkelajuan tinggi bagi fasa kedua dan ketiga melibatkan kawasan perumahan dan berapakah jumlah penambahan Pusat Internet 1Malaysia (PI1M) di Perlis.

20. PR-1341-L73398
Dato' Fauzi bin Abdul Rahman [Indera Mahkota] minta **MENTERI DALAM NEGERI** menyatakan jumlah penjara yang ada di seluruh negara, jumlah banduan di dalam setiap penjara dan pecahan mengikut kaum dan jantina.
21. PR-1341-L73456
Tuan Haji Ahmad Nazlan bin Idris [Jerantut] minta **MENTERI PERTANIAN DAN INDUSTRI ASAS TANI** menyatakan bidang pertanian terbukti dapat memberi pulangan yang baik. Bagaimanakah Kementerian dapat membantu golongan belia dan beliawanis yang berminat menceburkan diri dalam bidang pertanian.
22. PR-1341-L71897
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan tindakan terhadap warga pekerja asing yang menjalankan aktiviti perniagaan.
23. PR-1341-L71908
Tuan Anuar bin Abd. Manap [Sekijang] minta **MENTERI DALAM NEGERI** menyatakan jumlah jangkaan pekerja asing tanpa izin (PATI) yang bekerja secara haram di Malaysia dan berapakah jumlah sasaran PATI yang dijangka bakal terlibat dengan Program Penggajian dan Penempatan Semula sepanjang tempoh tahun ini.
24. PR-1341-L72944
Tuan Ignatius Dorell Leiking [Penampang] minta **MENTERI PENDIDIKAN TINGGI** menyatakan jika universiti-universiti seperti Curtin, Swinburne dan yang kolej pengajian tinggi yang sama taraf akan diberikan kelulusan untuk membuka cawangan di Sabah (seperti di Sarawak) terlebih lagi untuk beroperasi di daerah Penampang dan jika ada, senaraikan universiti-universiti atau kolej-kolej pendidikan tinggi yang telah memohon untuk membuka cawangan tersebut di Sabah.
25. PR-1341-L72330
Datuk Noor Ehsanuddin bin Mohd Harun Narrashid [Kota Tinggi] minta **MENTERI PERDAGANGAN ANTARABANGSA DAN INDUSTRI** menyatakan apakah langkah-langkah Kerajaan untuk memanfaatkan kedudukan Malaysia sebagai pengeluar produk dan perkhidmatan halal terbaik di dunia selepas terlaksananya perjanjian TPPA dan seterusnya RCEP dan MIFTA.
26. PR-1341-L73181
Tuan Lim Guan Eng [Bagan] minta **MENTERI PENGANGKUTAN** menyatakan kos operasi dan untung/rugi Lapangan Antarabangsa Pulau Pinang setiap tahun dan rancangan memperbesarkannya kerana telah melebihi kapasiti 6.5 juta penumpang. Bilakah ia boleh dilaksanakan dan mengapakah rancangan tempat letak kereta berkapasiti 3,000 lot atau sebuah hotel 4 bintang tidak dilaksanakan.

27. PR-1341-L73003
Dato' Seri Tiong King Sing [Bintulu] minta **MENTERI SUMBER ASLI DAN ALAM SEKITAR** menyatakan :-
- (a) apakah perancangan projek tebatan banjir yang telah dirancang dalam RMK 11 untuk mengatasi masalah banjir di seluruh negara terutamanya di kawasan Bintulu dan bilakah projek tersebut akan dilaksanakan; dan
 - (b) apakah perancangan Kementerian untuk melaksanakan projek mendalamkan sungai-sungai di kawasan Bintulu seperti Sungai Kemena dan Sungai Sebieu dan bilakah projek tersebut akan dijalankan.
28. PR-1341-L72223
Tuan Wan Hasan bin Mohd Ramli [Dungun] minta **MENTERI PENDIDIKAN TINGGI** menyatakan usaha-usaha dan langkah-langkah yang diambil oleh IPTA dalam menghadapi pemotongan peruntukan Bajet 2016.
29. PR-1341-L73121
Dato' Abdul Manan bin Ismail [Paya Besar] minta **MENTERI KOMUNIKASI DAN MULTIMEDIA** menyatakan kesediaan Kerajaan Malaysia bekerjasama dengan syarikat media sosial termasuk Google, Twitter dan Facebook sebagai rakan strategik bagi menangani isu keganasan perpepsi seperti keganasan kumpulan eksremis, fitnah dan pembohongan.
30. PR-1341-L72170
Dr. Michael Jeyakumar Devaraj [Sungai Siput] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kerajaan mempunyai cadangan untuk mengendalikan masalah ketiadaan rumah di kalangan 500 keluarga yang berpendapatan kurang pada RM 2500 sebulan di kawasan Bandar Sg Siput (U).
31. PR-1341-L71804
Datuk Jumat bin Idris [Sepanggar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilakah Kerajaan bercadang untuk menawarkan atau menjual rumah-rumah di bawah skim PPR kepada penyewa.
32. PR-1341-L72918
Tuan Lim Lip Eng [Segambut] minta **MENTERI DALAM NEGERI** menyatakan cara menyelesaikan masalah Akta Rumah Judi Terbuka 1953 yang wujud sejak 50 tahun lalu menyebabkan polis sukar membanteras masalah judi atas talian dan statistik mesin judi haram yang dirampas dan berapa tuduhan mahkamah telah dilakukan sejak tahun 2013 mengikut negeri.
33. PR-1341-L73505
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah tindakan Kerajaan terhadap pelbagai badan antarabangsa termasuk di bawah Pertubuhan Bangsa-Bangsa Bersatu yang menganggap pemenjaraan Dato' Seri Anwar Ibrahim sebagai tindakan politik dan yang beliau sepatutnya dibebaskan.

34. PR-1341-L73356
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERTANIAN DAN INDUSTRI ASAS TANI** menyatakan pencapaian terkini berkaitan Program Agropreneur Muda yang telah dijalankan oleh pihak Kementerian dalam membimbing anak muda yang menceburi perniagaan berasaskan hasil pertanian.
35. PR-1341-L72286
Dato' Takiyuddin bin Hassan [Kota Bharu] minta **MENTERI DALAM NEGERI** menyatakan apakah rasional Kerajaan menyerahkan urusan Program Penggajian dan Penempatan Semula Pendatang Asing kepada Syarikat MyEG sedangkan Kerajaan boleh menjimatkan kos perbelanjaan dengan menguruskannya sendiri.
36. PR-1341-L71683
Dr. Che Rosli bin Che Mat [Hulu Langat] minta **MENTERI SAINS, TEKNOLOGI DAN INOVASI** menyatakan sumbangan besar Agensi Remote Sensing dalam menjana maklumat bagi pembangunan negara dan mengawal fenomena tabii jangka panjang dan pendek yang berlaku dalam negara.
37. PR-1341-L72028
Puan Hajah Fuziah binti Salleh [Kuantan] minta **MENTERI TENAGA, TEKNOLOGI HIJAU DAN AIR** menyatakan :-
- (a) semua usaha yang telah dibuat dalam mengkaji dan mengembangkan sektor tenaga boleh baharu dari tarikh ianya dimulakan sehingga sekarang serta hasilnya; dan
 - (b) berapakah jumlah keseluruhan kutipan yang telah diperolehi melalui kutipan kumpulan wang tenaga boleh baharu yang telah dikutip daripada pengguna individu dan juga industri semenjak tahun 2011. Pohon diasingkan jumlah kutipan individu dan industri.
38. PR-1341-L73481
Dr. Mohd Hatta bin Md. Ramli [Kuala Krai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah jumlah keseluruhan dan peratus penduduk Malaysia yang tidak memiliki rumah mereka sendiri dari 2008 sehingga sekarang; dan
 - (b) bagi tahun 2015, berapakah jumlah peratus anak muda (umur 21-40) yang tidak memiliki rumah mengikut kaum dan taraf pendapatan isi rumah.
39. PR-1341-L71663
Dato' Wira Othman bin Abdul [Pendang] minta **PERDANA MENTERI** menyatakan adakah benar dakwaan Tabung Haji menjual aset di luar negara untuk membayar dividen kepada penyimpan. Apakah kedudukan kewangan Tabung Haji sekarang.

40. PR-1341-L72296
Dr. Haji Izani bin Haji Husin [Pengkalan Chepa] minta **MENTERI KOMUNIKASI DAN MULTIMEDIA** menyatakan mengapa kepantasan internet Malaysia dibawah kadar purata kepantasan internet di negara-negara Asia Tenggara dan kadar caj yang tinggi . Apakah penyelesaian kementerian untuk meningkatkan kepantasan internet Malaysia bersama caj yang berpatutan.
41. PR-1341-L72498
Dr. Ong Kian Ming [Serdang] minta **PERDANA MENTERI** menyatakan tindakan yang akan diambil terhadap operator Metrobus di kawasan Taman Seri Pulau di Balakong Jaya yang kian tidak beroperasi selepas pukul 9 petang dan memberi perkhidmatan yang tidak memuaskan kepada pengguna.
42. PR-1341-L73206
Dato' Seri Abdul Hadi bin Awang [Marang] minta **PERDANA MENTERI** menyatakan apakah punca masalah kerugian saham FGV berdasarkan laporan suku ketiga pada tahun 2015 yang mencatatkan kerugian sebelum cukai berjumlah RM62.43 juta.
43. PR-1341-L72680
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan adakah Pengarah Operasi Khas SPRM, Datuk Bahri Mohd Zin tidak berhak untuk merayu kes yang membabitkan Perdana Menteri dan SRC International dengan Dana RM2.6 bilion kepada Peguam Negara.
44. PR-1341-L73020
Tuan Wong Sze Phin @ Jimmy [Kota Kinabalu] minta **MENTERI SUMBER MANUSIA** menyatakan rancangan Kerajaan bagi memenuhi pasaran buruh di Malaysia amnya dan Sabah khususnya. Berikan sebab-sebab Kerajaan meningkatkan levi terhadap buruh asing dan membawa masuk 1.5 Juta buruh asing dari Bangladesh yang akan menyebabkan kos meningkat dan masalah sosial yang lebih parah.
45. PR-1341-L73077
Datuk Seri Noh bin Haji Omar [Tanjong Karang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan strategi dan usaha Kerajaan dalam memastikan harga barang dapat diturunkan selepas penurunan harga minyak dan kaedah yang akan diguna pakai.
46. PR-1341-L72437
Tuan Chong Chieng Jen [Bandar Kuching] minta **MENTERI KEWANGAN** menyatakan berapa jumlah pendapatan Kerajaan Persekutuan adalah diperolehi daripada Sarawak dalam tahun 2011 hingga 2015 masing-masing. Senaraikan sumbangan negeri masing-masing terhadap pendapatan Kerajaan Persekutuan dalam tempoh masa yang sama.
47. PR-1341-L73515
Datuk Koh Nai Kwong [Alor Gajah] minta **MENTERI DALAM NEGERI** menyatakan mengapa persepsi rakyat terhadap kadar jenayah masih tinggi sedangkan laporan Bidang Keberhasilan Utama Negara atau NKRA menyatakan bahawa kadar jenayah telah menurun dengan ketara.

48. PR-1341-L72960
Tuan Nga Kor Ming [Taiping] minta **MENTERI DALAM NEGERI** menyatakan berapakah jumlah pekerja asing yang bekerja dalam negara kita secara sah dan tidak sah serta nyatakan secara terperinci jumlah komposisi pekerja asing mengikut sektor pekerjaan dan negara asal mereka.
49. PR-1341-L73110
Tuan William Leong Jee Keen [Selayang] minta **MENTERI DALAM NEGERI** menyatakan langkah-langkah dan strategi untuk menangani ancaman-ancaman pengganas selepas serangan pengganas pada 14 Januari 2016 di Indonesia dan bilangan yang ditangkap kerana terlibat dalam ISIS atau mana-mana kumpulan pengganas.
50. PR-1341-L73376
Dato' Dr. Nik Mazlan bin Nik Mohamad [Pasir Puteh] minta **MENTERI PERDAGANGAN ANTARABANGSA DAN INDUSTRI** menyatakan status ekonomi orang-orang Melayu dan Bumiputera sejak Kementerian Usahawan ditutup. Berapakah peningkatan dalam mengeluarkan usahawan Melayu dan Bumiputera berbanding bangsa-bangsa selainnya.
51. PR-1341-L72461
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan bilakah mutu dan kualiti perkhidmatan kereta api ke Pantai Timur akan ditingkatkan setaraf dengan perkhidmatan kereta api di Pantai Barat.
52. PR-1341-L71933
Dato' Mansor bin Othman [Nibong Tebal] minta **PERDANA MENTERI** menyatakan rasional biasiswa bursary JPA (Jabatan Perkhidmatan Awam) ditarik balik oleh Kerajaan dan perincian jumlah pelajar yang terjejas dengan perubahan dasar ini mengikut kursus yang mereka ikuti.
53. PR-1341-L71914
Datuk Dr. Haji Abd. Latiff bin Haji Ahmad [Mersing] minta **MENTERI SUMBER ASLI DAN ALAM SEKITAR AIR** menyatakan jumlah sumber simpanan air bawah tanah yang belum diusik untuk dijadikan rizab ataupun alternatif untuk berdepan dengan masalah kekurangan bekalan air di negara ini terutama semasa musim kemarau.
54. PR-1341-L72318
Dato' Haji Zainudin bin Ismail [Jelebu] minta **PERDANA MENTERI** menyatakan tindakan dan langkah yang sedang dan telah diambil bagi membendung kebocoran maklumat Kerajaan yang sering berlaku akhir-akhir ini dan mohon juga nyatakan berapa ramai yang telah diambil tindakan. Apakah Akta Rahsia Rasmi (OSA) tidak berkesan atau tidak berupaya membendung keadaan ini.

55. PR-1341-L71651
Dr. Noor Azmi bin Ghazali [Bagan Serai] minta **MENTERI SUMBER ASLI DAN ALAM SEKITAR** menyatakan adakah Kerajaan akan merancang untuk mengadakan langkah-langkah baru seperti lintasan kehidupan liar untuk mengelak kejadian seperti baru-baru ini insiden seekor harimau bunting yang mati dalam kemalangan jalan raya berulang dan merugikan khazanah biodiversiti negara.
56. PR-1341-L72533
Dato' Haji Irmohizam bin Haji Ibrahim [Kuala Selangor] minta **MENTERI PENGANGKUTAN** menyatakan apakah langkah-langkah yang sedang diambil oleh Kementerian untuk mengurangkan kemalangan jalan raya yang agak serius memandangkan kadar kemalangan jalan raya di Malaysia mencatatkan kadar kemalangan ke-20 tertinggi di dunia daripada 160 negara.
57. PR-1341-L71672
Tuan Wilson Ugak Kumbong [Hulu Rajang] minta **MENTERI SUMBER MANUSIA** menyatakan :-
- (a) apakah statistik bilangan pekerja Sarawak yang bekerja di luar negara khususnya di dalam sektor pembalakan di negara Papua New Guinea, Solomon, Gabon, negara-negara di Benua Afrika dan Amerika Selatan; dan
 - (b) apakah usaha Kementerian di dalam membantu mempercepat tuntutan insurans / faedah-faedah akibat kemalangan pekerjaan di luar negara yang dikemukakan melalui Jabatan Tenaga Kerja, Sarawak.
58. PR-1341-L72009
Datuk Joseph Salang anak Gandum [Julau] minta **MENTERI PERUSAHAAN PERLADANGAN DAN KOMODITI** menyatakan jenis bentuk bantuan yang boleh di pohon oleh para peladang, iaitu penanam getah, sawit, koko, lada dan sebagainya.
59. PR-1341-L72747
Dr. Ismail bin Daut [Merbok] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perkembangan terkini pelaksanaan kewajipan pengasingan sisa pepejal di rumah yang bermula pada September tahun lalu.
60. PR-1341-L71719
Laksamana Pertama Mohamad Imran bin Abd Hamid (B) [Lumut] minta **MENTERI KERJA RAYA** menyatakan tindakan yang diambil ke atas Laporan Jawatan Kuasa Kira-Kira Wang Negara (PAC) mengenai Projek Lebuhraya Pantai Timur 2 (DR 2 Tahun 2015) dan Projek Pembinaan Ibu Pejabat Polis Daerah (IPD) Sentul.
61. PR-1341-L73563
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan kesudian Kerajaan untuk membuat analisa kos-faedah atau review impak FTA-FTA yang telah ditandatangani sehingga kini ke atas ekonomi negara.

62. PR-1341-L73135
Datuk Liang Teck Meng [Simpang Renggam] minta **MENTERI DALAM NEGERI** menyatakan apakah jenis kebajikan yang telah Kerajaan sediakan buat pelarian dari Syria dan apakah tahap keselamatan yang terkandung dalam iKad juga merupakan identiti pengenalan diri buat pelarian Syria.
63. PR-1341-L73459
Tuan Wong Ling Biu [Sarikei] minta **PERDANAMENTERI** menyatakan berapakah jumlah pelajar yang tidak dapat diberikan biasiswa Kerajaan untuk melanjutkan pelajaran di luar negara pada tahun 2016. Adakah kes di mana pelajar telah diberikan biasiswa tetapi ditarik balik kemudian oleh Kerajaan.
64. PR-1341-L73530
Dato' Seri Mohamed Azmin bin Ali [Gombak] minta **MENTERI SUMBER MANUSIA** menyatakan berapakah jumlah pekerja asing mengikut kewarganegaraan mereka beserta perbandingan dengan negara seperti Singapura, Korea Selatan, Jepun dan Australia.
65. PR-1341-L73199
Tuan Wong Tien Fatt @ Wong Nyuk Foh [Sandakan] minta **MENTERI PERUSAHAAN PERLADANGAN DAN KOMODITI** menyatakan kenapa harga getah di Sabah lebih rendah dari Sarawak, Semenanjung Malaysia malahan negara lain seperti Thailand. Apakah langkah-langkah Kerajaan meningkatkan daya saing industri getah di negeri Sabah.
66. PR-1341-L72268
Dato' Hasbullah bin Osman [Gerik] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah mekanisme yang digunakan oleh Kementerian dalam mengawal harga rumah terutamanya di kawasan luar bandar kerana pasaran harga yang terlalu tinggi.

ATURAN URUSAN MESYUARAT DAN USUL-USUL

1. (D.R. 30/2015) Rang Undang-undang Syarikat 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (31 Mac, 2016)**

[Menteri Perdagangan Dalam Negeri, Koperasi dan Kepenggunaan]
2. (D.R. 29/2015) Rang Undang-undang Skim Kepentingan 2015 **Bacaan Kali Yang Kedua**

[Menteri Perdagangan Dalam Negeri, Koperasi dan Kepenggunaan]
3. (D.R. 34/2015) Rang Undang-undang Dadah Berbahaya (Langkah-Langkah Pencegahan Khas) (Pindaan) 2015 “

[Menteri Dalam Negeri]
4. (D.R. 37/2015) Rang Undang-undang Profesion Undang-undang (Pindaan) 2015 “

[Menteri di Jabatan Perdana Menteri]
5. (D.R. 39/2015) Rang Undang-undang Kanak-Kanak (Pindaan) 2015 “

[Menteri Pembangunan Wanita, Keluarga dan Masyarakat]
6. (D.R.1/2016) Rang Undang-undang Bekalan Gas (Pindaan) 2016 “

[Menteri di Jabatan Perdana Menteri]
7. (D.R. 3/2016) Rang Undang-undang Institut Penyelidikan Perhutanan Malaysia 2016 “

[Menteri Sumber Asli dan Alam Sekitar]
8. (D.R.9/2015) Rang Undang-undang Kanun Tatacara Jenayah (Pindaan) 2015 “

[Menteri di Jabatan Perdana Menteri]
9. (D.R.12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

10. (D.R.35/2015) Rang Undang-undang Persaingan “
(Pindaan) 2015

**[Menteri Perdagangan Dalam Negeri,
Koperasi dan Kepenggunaan]**

11. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk keselesaan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah

disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia.

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2016</u>	<u>RISALAT/DOKUMEN</u>	<u>TARIKH DIBENTANGKAN</u>
ST. 32	Laporan Tahunan Bank Negara Malaysia 2015	4 April 2016
ST. 33	Laporan Kestabilan Kewangan dan Sistem Pembayaran 2015	4 April 2016
ST. 35	Laporan Tahunan dan Penyata Kewangan Universiti Teknologi MARA (UiTM) Bagi Tahun 2014	4 April 2016
ST. 36	Laporan Tahunan dan Penyata Kewangan Universiti Pendidikan Sultan Idris (UPSI) Bagi Tahun 2014	4 April 2016
ST. 38	Laporan Tahunan dan Penyata Kewangan Universiti Putra Malaysia (UPM) Bagi tahun 2014	4 April 2016
ST. 40	Laporan Tahunan dan Penyata Kewangan Universiti Sultan Zainal Abidin (UniSZA) Bagi Tahun 2014	4 April 2016
ST. 42	Laporan Tahunan dan Penyata Kewangan Universiti Sains Islam Malaysia (USIM) Bagi Tahun 2014	4 April 2016